

Permagni, cum in omni uitae usu, tum maxime in ducendis flectendisque hominum animis, refert, naturam indolemque hominum explorari

II

In regundis hominum animis Orator, nullo argumentorum, quae tractat, discrimine, occupatur in primis

III

Oratorem appellamus, qui facultatem habet dicendi ad persuadendum accommodate

IV

Ex qua quidem definitione etsi omnia dicendi praecepta manant, ea tamen hic tradere, nostrum non est, sed, ab aliis iam tradita, ad suum quodque fontem rationemque reuocare

V

Persuadere nobis est, alterum, beneficio eloquentiae, ad probandam amplectendamque sententiam nostram perducere

VI

Huc autem perducitur ille, cuius & intellectui satisficit et uoluntati

VII

Oratoris ergo cum sit persuadere, nec uero, eius rei perficiendae causa, corporis nulla prorsus habenda ratio sit, Orator, oportet, utramque, qua constat homo, partem pernoſcat, ex eaque notitia, suas, quas agere debet, partes metiatur

VIII